

Informacion importante pa pueblo

Procedura pa peticion di un declaracion di admision segun derecho pa miembronan di Reino

ORANJESTAD (AAN): Desde e publicacion di e mancho actual pa miembronan di reino riba 5 di november 2004 door di Ministro di Husticia, ta posibel pa miembronan di reino (personanan cu nacionalidad hulandes, cu excepcion di esnan cu a nace of naturalisa na Aruba) cu tin e intencion di establece nan mes pa un temporada largo riba Aruba pidi un declaracion di admision segun derecho pa un tempo indefini.

Miembronan di reino por entrega un peticion pa e declaracion na e seccion di Miembronan di Reino di DINA situa na Tanki Flip. E admision segun derecho aki ta termina door di un estadia continuo den exterior pa mas cu tres aña, a menos cu e persona concerni tabata den exterior pa estudio of tratamiento medico. Miembronan di reino no mester cumpli cu e requisito di pago di deposito.

E maneho actual pa miembronan di reino ta valido te cu 31 di december 2005. E declaracion di admision segun derecho pa tempo indefini ta solamente pa residencia pa un tempo indefini.

Solamente miembronan di reino cu kier biba na Aruba pa un periodo largo (pa un tempo indefini), por bin na remarca pa e declaracion di admision segun derecho pa

tempo indefini. Esaki kieren pues cu e declaracion aki no ta valido pa miembronan di reino cu pa motibo di nan estudio of trabao, kier establece nan mes na Aruba of ta residencia aki caba pa un cierto periodo determina (cortico/no largo).

E grupo aki ta ensera entre otro studiantenan/stagiares, personal di asistencia tecnico, militarnan profesional (y nan famia), profesionalnan den cuido di salud y otro profesionalnan cu ta bin biba na Aruba unicamente pa e duracion di un proyecto.

E personanan aki no ta bin na remarca pa un declaracion di admision segun derecho pa tempo indefini, como cu nan no ta cumpli cu e requisitos necesario. Nan por regla nan estadia a base di e otro posibilidadnan cu Lei di Admision y Expulsion y e maneho di admision di stranhero anuncia door di Ministro di Husticia na juni 2002 ta ofrece.

PETICIONAN NOBO

Ora entrega un prome peticion pa un declaracion di admision segun derecho pa tempo indefini, mester entrega e siguiente documentonan na e seccion di Miembronan di Reino di DINA situa na Tanki Flip. Bin cu 1 Formulario di peticion original completamente yena y 1 copia. Tambe 3 Pasfoto. Mester plak un di nan riba e formulario di peticion. Tambe 1 Stampia di Afl. 8,-. Mester plak esaki riba e formulario di peticion.

Bin tambe cu 1 Copia di e pagina principal di e pasaporte valido y mester presenta tambe e pasaporte original. Tambe 1 Papel di bon conducta original no mas bieu cu 3 luna y un copia (pa personan mayor di 16 aña). Si e persona concerni a biba na mas cu un pais durante e ultimo 10 añanan prome cu el a bin Aruba, e mester entrega tambe un papel di bon conducta for di e paisnan ei. Tambe un certificado di nacemento original. Si e persona concerni no a nace den Reino, e certificado mester tin un stampia of apostiya di e embahada Hulandes di e pais di nacemento. Tambe

Un contract di trabao cu un dunado di trabao local, e rekesito aki ta drenta na vigor awe cu retro activo te 1 di oktober 2005.

Aparte di e costo di e stampia, e entrega di e declaracion ta costa Afl. 100,-.

CAMBIO DI PERMISO

Miembronan di reino cu ta biba na Aruba caba cu un permiso di estadia temporal cu of sin permiso pa traha, un permiso di estadia pa tempo indefini cu of sin permiso pa traha, of un declaracion di admision segun derecho temporal, por laga cambia esaki den un declaracion di admision segun derecho pa tempo indefini na e seccion di Miembronan di Reino. E areglo aki no ta valido pa miembronan di reino cu ta pertenece na e gruponan menciona anteriormente cu no ta bin na remarca pa e declaracion concerni.

En bista di e costonan administrativo di e cambio aki, ta cobra un suma di Afl. 100,- pa entrega di e declaracion.

Ora entrega un peticion pa cambia un permiso of un declaracion di admision segun derecho temporal, mester entrega e siguiente documentonan na e seccion di Miembronan di Reino na Tanki Flip.

1 Formulario di peticion original completamente yena y 1 copia. 3 Pasfoto. Mester plak un di nan riba e formulario di peticion. 1 Copia di e ultimo permiso di estadia cu of sin permiso pa traha, of e declaracion di admision segun derecho temporal. 1 Copia di e pagina principal di e pasaporte valido y mester presenta tambe e pasaporte original. 1 Papel di bon conducta original no mas bieu cu 3 luna y un copia (pa personan mayor di 16 aña). Si na su yegada na Aruba e persona concerni a entrega un papel di bon conducta caba na DINA, esaki mester ta solamente pa e periodo di estadia na Aruba. Si esei no tabata e caso y si e persona concerni a biba na mas cu un pais durante e ultimo 10 añanan prome cu el a bin Aruba, e mester entrega tambe un

papel di bon conducta for di e paisnan ei.

MIEMBRONAN DI FAMILIA LEGITIMO

Solamente miembronan di famia legitimo di miembronan di reino cu tin e nacionalidad Hulandes por bin na remarca pa un declaracion di admision segun derecho pa tempo indefini. Pa miembronan di famia legitimo ta compronde, conforme e LTU, e casa no legalmente separa y e yunan menor di edad di e miembro di reino, riba e condicion cu berdad

nan ta forma parti di e famia.

Miembronan di famia legitimo di miembronan di reino cu tin un nacionalidad stranhero ta bin na remarca pa un permiso di estadia temporal sin permiso pa traha, pa periodo cu nan ta casa cu of ta forma parti di e famia di e miembro di reino. Por cambia e permiso aki pa un permiso pa traha, si no tin un yiu di tera disponibel pa e funcion concerni y conforme e conseho di Departamento di Labor.